

BIBLIOTHEQUE  
STE. GENEVIEVE

SG


RECUEIL FACTICE  
ORATIONES  
PANEGYRICI  
DIALOGISMI  
EPITHALAMIUM  
EXHORTATORIA  
MOSCOVITARIUM  
RELIGIO.

\*GE  
812

1495-1619











Ex Bibliothecâ  
quam 16000. Voll. constantem  
huic Abbatiaë S. Genovefæ Paris.  
Testamento legavit Car. Mauriti.  
LE TELLIER Archiep. Remensis.  
Obiit anno 1710.




































- 1 Oratio Sabina Bononiæ. 7. 1507.
- 2 Oratio in coronatione Ferdinandi regis. 7. 1527
- 3 De Gustiani orbis concordia panegyricus 1540
- 4 Dialogismi Heroicorum. à Petro Rannio 1521
- 5 Oratio ut succurratur Rodis militibus. 1523
- 6 Oratio de milite laudibus. Basilee 1518
- 1519 7 Oratio in laudem matrimonii <sup>math.</sup> Hensallio 1619
- 8 Epusalaminum per Iasonem Myrmecum Paris 1499
- 9 Oratio in electione pontificis ad Romanos.
- 10 Exhortatoria ad Adrianum Ut Romam veniat.
- 11 De modo divitiis adhibendo oratio. 1540.
- ~~12~~ ~~Recueil de~~
- 12 panegyricus ad Cardinalem Scotum. 1540
- 13 Moscovitarum Religio. 1526.

(XV)

812.

(Z 900)

Recueil de piquille






ORA

TIO AD ROMANOS  
PER BAPTISTAM PIZA  
CHARVM IN ELE/  
CTIONE PON/  
TIFICIS.









BAPTISTAE PIZACHARI IN ELE  
CTIONE NOVI PONTIFI-  
CIS AD QUIRITES  
ORATIO.



I DIES aliquando hu  
ic Vrbi Imperioque  
Romano iucundissi-  
mus Quirites illuxit,  
si aliquod magnū &  
immensum cōmodū,  
si aliquam uobis unq̃  
utilitatē à maioribus  
uestris acceptam lau-

daſtis, si supplicationes publice fieri iussistis, si  
gratias immortalī deo, ob partam uobis uictoriā,  
ob acceptum triumphum aliquando dedistis:  
Cur hodie diuinum, ac cœlitus demissum Pastro-  
rem nostrum, qui secum salutem & libertatem  
omnium Christianorum Imperiūq; Romani af-  
fert, non laudemus, non summis laudibus extol-  
limus? Electus est enim in summum Pontificem  
Hadrianus Cardinalis Dertusiensis, uir integerri-  
mus, piissimus, prudentissimus, ac certe diuinus,  
qui nos uirtute sua ab imminentibus periculis, ac  
procellis, & tempeſtatibus omnibus liberabit.  
Verum pro Deum fidem, cur ego uos in tanta hi-  
laritate tristes esse uideo? nec, ut par est, lætitiæ si-  
gna dare? An forsan quod absens electus fuerit

A 2 tristes



tristemini? An uero dubitetis, quod uir iste diuinus, ac religiosissimus ueneranda limina Petri uisere, & deosculari nolit? Quod hanc Urbem aliarum urbium reginam, sedemque perpetuam Romanorum Pontificum respuat? Quod sponsam suam, quod Patres amplissimos, & de se bene meritos fugiat? Quod hanc Curiam, istos Penates, uos omnes denique deserat, moestos, tristesque relinquat. Non faciet profecto, non faciet: nam ipse quidem optime intelligit, hic suam esse sedem, hic domicilium, regnum, ac imperium. Quare alacres estote, mentesque uestras animumque erigite, & Deum laudate, statim enim Regem & Pastorem nostrum gloriosum, & triumphantem uidebimus, qui sua uirtute dignitatem, & communem omnium Christianorum salutem, fortunasque nostras confirmabit, augebitque. Quapropter uos oro Quirites, attendite, dum ego de summa salute uestra disputo, audite, necessariam, commodam, atque utilem fuisse hanc electionem, breuiter, ut potero, uobis ostendam.

Si enim Deus maximus optimus, aliquando oberrata nostra nauiculam Petri fluctuare permittit, illam tamen submergi, nec in profundum trahi penitus patitur, sed illi opportune occurrit, dirigit, & in tutumque portum collocat. Quis enim uestrum, Quirites, proximis diebus illam subuerti non



ORATIO.

nō dubitauit, cum scilicet Gallorum Regem potentissimū uideremus bellum graue, & periculosum concitasse, oppida, urbesq; ditioni Romanæ subiectas inualisse, florentem exercitum habere, Leonem Decimū Pastorem nostrum optimum laceffere, & contra hanc Urbem se accingere: & licet ab ipso Leone uno prælio fustum & superatū nihilominus adhuc imperantem, nouas copias, nouos tumultus molientem, & iam iā nobis imminentem uidebamus, & hinc Venetos mari, terrāq; potentissimos, illinc Ducem Ferrarię, & Frāciscum Mariam Ruerem strennuos uiros habere mus inimicos. Certe nobis de uita, de fortunis, de rerum statu dubitandum fuit, & bellum susceptum detestandum, Sedemq; hanc Romanam penē collabentem intuebamur: multa profecto occurrebant mala, multa patiebamur incōmoda, exactiones, expilationes. Urbemq; ipsam pecuniis adeo exhaustam uidebamus, ut una omnes pariter lamentationes, & querelas ederemus. Negocia, uectigalia, cōmertia, ex quibus rebus Urbs ista maxime constat, nobis eripiebantur, timidi, ignaui, ac penē submersi uidebamur: Sed quid ego ista commemoro? non hoc tantūmodo pertimescendū fuerat Quirites, quia tunc cum Christianis pugna erat: nec legi religioniq; nostræ repugnantibus, At nobis multo magis timendum

A ; fuit



fuit immanissimus Turcarum Rex, nominis Christiani, & religionis uestrae acerrimus, & continuus hostis, qui quotidie tanquam Draco quidam crucientis dentibus, aspectu horrido, ac uenenato spiritu, huc, illuc circumspectans serpit, & cogitat: si quam urbem: si qua moenia Christianorum penetraret irrumpat, si quod malum clademque afferat, si quos Christianos iugulet, perdat, ueneno inficiat. Qui cum modo ad debellandos Pannonas ingenti exercitu comparato accedere non timuisset, Belgradum oppidum munitissimum, ac Christianis maxime commodum ui & bello expugnauit, spoliavit, diripuit: ciues captiuos duxit: nec minus ad alias Pannoniarum urbes se accingit. Non haec solum molitur ille, sed & Italiae urbem ruere, oppida euertere: uiros necare, hanc urbem, hanc ipsam Romanam incendere, & nomen sanctissimum religionis nostrae penitus euertere quotidie minatur. Pro dii quis tantae inmanitati, tantae insolentiae resistere & obstare potuisset, nisi Deus optimus, de opportuno & necessario nobis remedio modo prouidisset: qui nobis obrulit sanctissimum Pontificem ac Pastorem, qui cum Carolo Caesare maximo & felicissimo Romanorum Imperatore coniunctus est, qui illum a teneris annis sanctissimis preceptis, & piis institutis, docte, sancte, pieque instituit, qui ipsum tale Imperatorem effecit: qualem se fore Pontificem statuerat.



ORATIO.

rat. O magne Carole Auguste, digne quidē tāto  
 educatore & p̄ceptore: & o Pōtifex Max. digne  
 tanto discipulo, q̄ bene, q̄ prouide Deus omnis  
 um effector diuinas has duas Principum mentes  
 coniunxit, ut unanimes pariter uniuersum orbē  
 regerent, tenerēt, & imperarēt: o fortunati ambo  
 & felices diuino munere nobis in terris donati, ut  
 aliquando nos incolumes seruaremur: o felix no  
 stra hęc ætas, qui tales uidit Principes: o fortuna  
 tip opuli, qui subiecti tali Imperio regnatis. Am  
 bigetis igitur Quirites, & dubitabitis ulterio<sup>r</sup>, nec  
 uidebitis à Diis nobis necessarie uno die proui  
 sum, & de Pastore sanctissimo, ac sapientissimo,  
 & de Imperatore potentissimo & strennuo, qui  
 pacatis Christianorum rebus, positisque intestinis  
 bellis, odiisque, contra hanc immanem Belluam ar  
 ma capient, uictores euadēt, ipseque, ut spero, Tur  
 carum Rex captus & debellatus tantorū scelerū  
 suorū luet pœnas: nō colētur ulterius uana Mau  
 meti simulacra, sed à tēplis & puluinaribus suis  
 deturbata: igni cū donis suis ardebunt. Sic extin  
 cta malitia, & impietate compressa, reflorescet or  
 bis, qui per tot sæcula bella, ærumnas detrimēta,  
 calamitates, & miserias passus est. Videte igitur  
 Quirites quam necessariam & opportuna nobis  
 Deus opē obtulit, erepti enim sumus ex crudelissi  
 mo & miserrimo interitu, sine nostro sanguine  
 sine



sine cæde, sine dimicatione: ipse enim sua auctori-  
 rate bella à ceruicibus nostris summouet, ipso du-  
 ce uicimus, ipso custode regnamus. Necessariâ  
 igitur fuisse hanc electionem audistis: modo quâ  
 commoda, & salutaris futura sit: quæso diligen-  
 ter attendite. Vigebat & adhuc uiget Quirites  
 hæresis illa nefanda & pestifera Martini Luthe-  
 ris hostis teterrimi nominis Christiani, qui quo-  
 tidie contra Romanam ecclesiam insurgibat: cō-  
 tra Pontificem, contra sanctam Christi legem,  
 contra apostolicam doctrinam, qui maligna sem-  
 per & diabolica aduersus Deum uerum insectas-  
 tio, uerba monstruosa atq; impia maligna mente  
 fundebat, & seminabat, qui à sincero tramite fi-  
 dei & religionis: effusis errorum nebulis, lubrica  
 hominum corda perturbare, & à recta uia abdu-  
 cere conabatur, qui semel extinctus uehementi-  
 us tanq̃ hydra quædam, nouas uires comparas-  
 bat, acrius maledicebat, & Religionem nostram  
 tanto sanguine partam, tantis calamitatibus au-  
 ctam, toriens & sacratissimis conciliis, & summo-  
 rum ac sanctissimorum uirorum doctrinis resti-  
 tutam, & legibus sanctissimis munitam, super fir-  
 missimam petram positam atq; fundatam, præ-  
 uaricator iste, ac Bellua potius turbare & fundi-  
 tus euerrere conabatur: & licet ipsum tanq̃ mon-  
 strum aliquod atq; prodigiū è finibus totius Ger-  
 maniae



ORATIO.

maniae ac Imperii, Carolus piissimus Imperator  
expulerit & eiecerit, dictaq; sua ac scripta omnia  
tanquam peruersa, maligna, & impia, cremari ius  
serit: & per publicum edictum ipsum disiectum  
diuulsumq; à fidelibus Christianis publicari,  
igni & aqua interdixerit, nihilominus in stultitia  
& prauitate sua gloriosus persistēs, in finibus Sci  
tharum se se inclusit, & cum suis similibus adhuc  
latrare non desinit, nec censuris Pontificis, & Cē  
saris minis deterritus, nec doctissimi & potentis  
simi Henrici regis Britanniae eruditissimo & san  
ctissimo libro, quem contra istam belluam edidit,  
confusus, à quo optimis rationibus Lutheriana  
doctrina falsa esse ostenditur, ipsumq; à uero tra  
mite deuiare, res quidem digna Regi prudentissi  
mo & sapientissimo, qua sibi immortalitatem cō  
parauit, & religionem Christi suis adeo rationi  
bus firmavit, ut nullus unq; amplius contra illā  
ceruicem erigere, & in eam maledictis insurgere  
sit ausurus, cum nostris his diebus nostra hac eta  
te talem fuisse Regem nouerit, qui & strennue ar  
ma tractare, populos sapienter regere, religionē  
q; acerrime defendere calluerit. Quid igitur am  
plius Luthere facies? quid dices? audebis ne mo  
do cōtra uirum sanctum, Pastorem & Pontificē  
nobis modo diuinitus, ac cœlitus concessum, cō  
tra sacratissimum Imperatorem, ac doctissimum

B Henricum



Henricum Regem, uerba illa uenenata impiissimè euomere: desine doctrinam Christi insectare, desine Pontifices sanctos, & Ro. ecclesiā lacerare. Imperatorumq; & Regum preceptis & sanctissimis institutis obedias & acquiescas, nā quo fugias, tutus tibi non est locus, & manus uindices euadere omnino nō poteris. Deus enim noster unam doctrinam, unum dogma, unā ecclesiā, & unū pastore, caput, & principem omnium esse uoluit, illi q; plenissimā potestatem tradidit & cōcessit, oēs q; alios suæ potestati, quā tu impie denegas, subiicit. At ista Lutheriana peruersitas, in hanc paulatim subrepsit urbem Quirites, & peiora hic perpetratur scelera, quam ille doceat & optet, omnia enim negligentia & ambitione summorum uiro-  
rum inquinata, deformata, & conturbata erant, nullum decus nisi adumbratū religionis reperi-  
ebatur, auctoritas legum conciderat, concessus or-  
dinum erat pollutus, iudicia perierant: Totus de-  
niq; ciuitatis, & sacrarum cerimoniarum status li-  
centia, delitiis, nefario scelere maculatus erat, dis-  
sensionibus & discordiis præcipites ibamus, libi-  
dines & nephandæ ueneris inquinamenta exer-  
centur, deteriore statu, in quo sumus, esse nō pos-  
sumus, uitio & scelere opes acquirebātur, scurris,  
histrionibus, helluonibus, ac hominibus crimini-  
bus inuolutis, maximas facultates, magistratus,  
& am-



ORATIO.

& amplissimas dignitates condonantur, & solus possidet, quod multorum esse deberet, omnia enim diuina & humana uexata perturbata, & uiolata sunt. Deus igitur ex alto suam miseratus ecclesiam, nobis opportune de Pastore, & Pontifice sanctissimo, piissimo, & religionis amantissimo prouidit, qui copiose, docte, & diligenter, contra sacrilegos, ac plurimorum sacerdotiorum detentores scripsit, & exemplo sic fieri monstrauit, ipse equidem nisi unicam ecclesiam habere unquam uoluit, cum plurimas habere, & obtinere potuisset. Quid enim sanctius, quam nec pecuniis sacra uendere, nec plurima sacerdotia obtinere, cum unus uix sufficiens, & idoneus sit, ad regendum unius ecclesie subiectas hominum animas? Videte igitur quam comoda, quam necessaria nobis, & reipublice Christiane hac fuerit electio, ad extirpandam hanc Lutherianam multorum capitum belluam, ad leuandos nostrae religionis irrepentes errores, ad formandam religionem Christianam. O bone Deus, quam prouide, quam consulte nobiscum egisti, qui dedisti nobis uirum sanctum, mansuetum, & piuum, qui nos liberabit ab armis Gallorum, ab immanitate & crudelitate Turcarum, a uana Lutheri superstitione, & Christianam rempublicam reformabit, errores leuabit, malos puniet, bonos euehet & extollet. Quare ego Quirites, quo possum pensiori animo, ac uoce gratias pro cunctis Deo



## BAPTISTAE PIZACHARI

immortali ago, cuius opera, decus huius Urbis, ac totius orbis una nunc est restitutum, ut solo nomine sanctissimi Pastores, & Pontificis nostri religio iam prostrata, & quasi abolita reuiuixerit. Quam commodam, ac necessariam fuerit hanc ipsam electionem, audistis modo Quirites, qualē nunc afferat utilitatem, ubertatemq; quæso aduertite, & attente (ut facitis) me audite.

Sublatis igitur tot bellorum turbinibus, Turcarumq; rege ad ueram fidem conuerso, & illius Imperio ad nostram religionem subacto, rebusq; Italiae pacatis, quos prouentus, quos redditus, quæ uectigalia, quos triumphos huic uestræ urbi creditis futuros esse: nam tota Germania unde ipse originem trahit, apostolicæ & Romanæ sedi obediunt. Hispaniæ cui nunc imperat, & quam seditio nibus agitatam, tam sapienter ipse in quietem reduxit, sponte Imperii Ro. se subiiciet: Gallia uero, ob uirtutes, & sanctitatis famam iugum non detractabit. Asia eiectionis simulacrorum ac idolorum cultoribus: Græcia illa olim florentissima in libertatem redacta, & ad pristinam religionem restituta, ad hanc Urbem, ad hanc Sedem deuoluetur, huc hominum concursus, huc meritorium omnes comportationes fient, huc uectigalia amplissima deferentur, hic omnium fient linguarum cōmercia, iam omnes Quirites diuites, omnes felices eritis, ac



ORATIO.

tis, ac beati omnes. Hilaris ergo estote, & læti, de  
um laudate, nec pios hos Patres religionis & ur-  
bis cardines ulterius contumeliis laceffire, nam  
non discordia, non ambitu, non metu, non ui, nō  
odio, non largitione, sed unanimes illo spiritu dis-  
cino, qui ubi uult spirat, illuminati, & ducti Pon-  
tificem elegerunt, non spe largitionis, non polli-  
citationibus ullis, non pactionibus, uel mercede  
conducti, sed illecti hominis sanctimonia, doctri-  
na, pietate, religione, iustitia, māsuetudine, aliisq;  
uirtutibus, ac publico omnium sermone, nulla  
certe ducti uana, non ficta opinione, in eo enim  
nulla ullius criminis suspicio, nulla fraudis, nulla  
auaritiæ ac habendi sitis: rectissime igitur salutē  
nostram fortunas, coniuges, liberos, aras, templa  
libertatem, ac religionem commissa ac credita ar-  
bitramur, ad propagationem & augmentum huius  
Imperii nobis hic datus, qui ualet ingenio, ui-  
ribus, potentia, animi magnitudine, religione, pie-  
tate, grauitate, auctoritate, & gratia. O felicem il-  
lum diem, quando cum gaudio, cū summa omni-  
um letitia, cum ingenti plausu, te Regem, te Pas-  
torem nostrum in tuo hoc solio, in urbe hac tua  
acceperimus, & tibi obuiam exultans processeris-  
mus. Veni igitur Pater sancte ueni nec differas,  
te enim expetimus, te solum expectamus, in te  
non solum Vrbs, uerum tota Italia, ac omnes po-



BAPTISTAE PIZACHARI

puli oculos cōuerterunt, te appellant, te laudant,  
 te unū desiderāt, in aduētū tuo omnia lēta, omnia  
 tuta uidebuntur, omnia prospera, ac fortunata  
 erunt, hoc enim regnum, hac sedes tua Pater bea-  
 tissime, hic Petri & ecclesiæ sunt fundamēta, hic  
 totius religionis Christianæ, hic deniq; Imperiū,  
 tot hic pro Christo martyres ideo passi, tantus  
 sparsus sanguis, tot corpora laniata, tot præterea  
 supplicia, ac tormentorum genera inuenta, ut  
 Christo eiusq; Vicario in terris sedem hanc fun-  
 darēt, ut forma & ppetua permaneret. Hic hic te  
 igit Pont. max. opt. hic te Patres, & S. P. Q. R. ex-  
 pectant, hic te gentium, ac nationum confluent  
 multitudo. Veni desiderate, ueni uotis expetite  
 omniū, cito uenias oramus, hic lēta omnia, riden-  
 tia omnia offendes, nā iā Patres amplissimi omni  
 studio, & apparatu se accingunt, ut uenienti tibi  
 occurrant. Iam S. P. Q. R. uniuersus, iam omniū  
 confusa nationū multitudo, iam undiq; collucēt  
 faces, & undiq; lēta incēdia, iā machine ad bom-  
 bos dispositæ, omniaq; ad lētitiā publicā parata.  
 Sed iam ut uidetis Quirires uenientē Pontificē  
 ac Regē mihi uidere uidebar, & iā pro mænibus  
 pro portis assistentē, lēto ac hilari animo nos esse  
 moneo, cito enim, nec multo post, quod mō aus-  
 gurabar Pōtificis intuitu, ac prēsētia fruemini.  
 Dixi.



